




09410

敬業堂詩集卷十七

海寧

查慎



冗寄集

起癸酉四月
盡十二月

不到自怡園三年矣相國明公聞余至都復下榻
見招時唐實君亦以謁選北來樂數晨夕未幾實
君因人遠遊余旋應秋賦倖舉京兆遂爾滯留自
夏歷冬大約園居之日多城居之日少東坡詩語
似為余設也

次韻答愷功二首

移牀來對好溪山只作漁樵共往還癖愛文人知業慧
未拋卷帙趁官閒雲垂高幕藤花紫雨放新梢笋籜斑

敬業堂詩集卷十七

一

若向此中微領會詩情原在寂寥間

樹底泉聲竹外山清暉娛客竟忘還魚無羨意鉤宜直
碁少爭心局自閒春去蘋洲風澹澹雨來花徑土斑斑
畫圖光景分明記又掃攤書屋半間

時將移寓
自怡園

對雨戲效白樂天體四首

兩岸沙沈樹千帆浪拍天長風吹不斷獨鳥去無邊白
酒標旗濕紅鱗出網鮮此時如對雨最好是江船

忽聽笙歌起烟波何處尋四圍山漸澹一角日初沈捲
幔通荷氣停橈隔柳陰此時如對雨最好是湖心

一片秧針綠村村罷踏車黃梅多放鴨

鄉人以芒種買
新鴨名黃梅鴨

翠剡盡鳴蛙種水牽菱蔓開門落棟花此時如對雨最

好是農家

竹色涼窗戶泉聲落珮環不知青嶂合長在白雲間
籬籠分茶早樓衫挂壁閒此時如對雨最好是深山

唐實君作憎蠅詩可補歐陽賦所未備僕不復

鬪竒戲廣其意得五十韻

吾觀大化內鼓物同洪鑪介羽及昆蟲種類何各殊
摻羅到瑣碎終非磊落儒聊為更僕數庶用資揶揄飛者
為蜻蜓穴者為螻蛄在戶為蠨蛸在簷為蜘蛛微明耿
熠燿背殼潛蟻輪薄翅扇蚊蝶細腰祝蒲盧螻或鳴於
泥蚓或歌於塗絡緯織作巧糞蜚轉丸愚螳螂怒當輪
蟋蟀勇負岬堆積走負板腥羶集元駒與人了無害聽

敬業堂詩集卷二十七

二

彼繁有徒蠷螋險如蟻玄蜂大如壺鉤卷音蠹刃利針

聚蚊雷麤刺耗有瘁肌蠱尾有嗜膚昏昏蝨在禪趨趨

蚤躍襦偏人雖咄咄懷毒終區區惟蠅獨可憎其來胡

為乎汝於耳目前本不關有無汝狀極醜惡偏傀粧頭

顛赤幘同一冠青蒼別形軀兩翼六其足公然學讒夫

汝生本臭穢行與糞壤俱只合老廁圖何當闖穠瑜無

端附驥尾馳騁遊莊衢無端入綃素點染損畫圖有時

集於爪學士群睚眦有時止於棘詩人互嗟吁聲非雞

則鳴例與狗苟呼此特論大概未足蔽厥辜客從長途

來翻漿汗流珠解衣覲少憇喘息猶未蘇汝何太相偏

伺隙窺門樞我眠晨未起汝偏攪牀敷我起頭未櫛汝

又環座隅我饑進盤餐汝貪善爲狙我閒弄筆硯汝飽成墨猪汝腴我合瘦汝衆我則孤我欲廢飲食汝方混庖廚汝于我何尤抵死相迫驅營營惑人聽有若操契符貝錦抱萋斐不祥等狐烏懷中三寸璧點汚生瑕瑜架上一卷書棄擲消樗蒲凡此皆汝罪誅之不勝誅逝將避汝去行行復踟躕我力故難勝汝情諒應輸天下正一家能毋懷此都乘炎且快意吾寧忍須臾

移榻自怡園雨後納涼

水轉橋迴路幾層此中真可避炎蒸陰成繞屋三年樹光吐疎籬半夜燈明月忽隨殘雨到微風已作早涼徵野人慣領田園趣歸夢翻從借榻增

敬業堂詩集卷十七

三

重過相國明公園亭四首

名園多在苑東偏不數樊川及輞川綺陌東西雲作障畫橋南北草含烟鑿開丘壑藏魚鳥勾勒風光入管絃何似贊皇行樂地手栽花木記平泉

球場車埭互相通門徑寬閒五百弓但覺樓臺隨處湧不知風月與人同紫駝臥草平沙外白馬穿花細雨中一片近郊農牧地可容雞犬識新豐

莫漫閒居比洛濱猶從泉石見經綸栽花覘土知肥瘠種樹因材識苦辛白傅龍門無俗客薛宣東閣有奇人平生齒冷孫弘輩車廐誰論舊主賓

相國曾以唐實君
文品上達宸聽

熱客稀逢抵閉關陪遊吾亦愛投閒隙中野馬飛揚去

雨後溪雲斷續還隱几好風來北牖鈞簾落日在西山
壯心敢擬蘭成賦芳樹條新感再攀

浴罷與寶君步入水磨作

長日愁經夏微涼晚似秋氣蘇風到面浴罷月當頭老
樹聽蟬立閒溪領鶴游飲牛兼洗馬何處辨清流

晚食

且喜蚊蠅少林深几簟涼飛蛾輕性命殘燭有光芒帶
草侵衣潤藤花落酒香魚蝦供晚食風物近江鄉

雨牕遣興示愷功

小雨密復疎虛牕深更綠瀟瀟延靜聽窅窅盡遐矚抱
葉無一蟬隔林下雙鵲雞鳴覺村遠水響知石觸殘夢

敬業堂詩集卷十七

四

有時醒幽情恍相續眼前領閒趣取適聊破俗華髮脫
新梳輕衫便晚浴早衰易壯嗜外垢非內辱思營五畝
園未遂半生欲此身本如寄繆算徒碌碌菟裘等蘧廬
豈必皆我屬不如且聽雨濁酒貰鄰曲醉鄉有天地避
此六月溽歸計待秋涼無裝何用束

鷹坊歌同寶君愷功作

風林蕭蕭夏脫木坊以鷹名似牛屋其中最大名海青
戴角森然異凡畜我初識名自遼史特產曾傳女真獨
楛矢同來肅慎庭初時底貢猶臣服屢求難厭禍旋結
兩國興亡手翻覆天教此物雄海東自長策雖成一族
康熙 天子神聖姿駕馭英雄兵不黷每因纘武勤校

獵遠致奇毛比臣僕紫荆關外秋氣高狐兔寧容草間
伏腥風霍霍滿天地白日無光散原陸揚檀表貉出從
禽王用三驅力爭戮是時海青更精悍臂出綠鞬調養
熟翻身一去高沒雲注目秋空走馬逐蹄間十丈莽開
濶驀過林巒躍坑谷忽看天半挾天鵝奔電流星下投
速羽林健兒拍手咲奏凱不煩遺矢鏃却來斂翮復依
人仍以黃絲掣雙足三時飼養一朝用如許恩波等休
沐奉先性在饑附人定遠功成飛食肉不知給俸視幾
品肥瘦論斤常量腹生牛乍割血猶紅小鳥一吹毛盡
禿見人作勢俄聳肩獨立有時還側目無端對此我心
惻相向移時額顛蹙獅兒噉虎魚食蝦吞噬成風傷末

敬業堂詩集卷一七

五

俗生意漸微真可嘆殺機欲動休輕觸以仁易暴古所
云恃猛爭強非汝福我願皇天仁百物常產鳳皇生鸞
鷲自然郊藪萃禎祥盛世多珍四靈畜

次實君溪邊步月韻

雨過園林暑氣偏繁星多上晚來天漸沈遠翠峰峰澹
初長繁陰樹樹圓螢火一星沿岸草蛙聲十里出山泉
新詩未必能諧俗解事人稀莫浪傳

大雨行

晚來怕熱喜聽雨臥看商羊獨足舞五更驚覺忽砰訇
搖動空城作雷鼓檐前急溜非一派併作飛濤湧堂廡
須臾暴漲床欲浮電火燒窻時一吐沈沙盡作十里坑

斫樹齊張萬人弩排墻隨瓦聲拉雜助以風威猛於虎
老翁折臂婦裹頭露立號咷到童豎城門兩日不敢開
濁浪如河勢難拒五行厥占屬災異疾痛况欲加摩撫
老夫昨日得家書見說吳田槁禾黍北方苦潦南苦旱
天大要是生民主可能造化一轉移坐使兩邦歌樂土

送唐實君遊江西

猛雨撼城城欲動粘天黃潦如霾霧阜城門外一丈泥
馬濺花髮四蹄壅問君此時有底急結束輕裝挾飛鞚
故人奉詔赴西江才子持衡推小宋時宋念功編修典
試江右實君與之
行舊開東閣交最契攬轡南行邀與共文章取士意已
輕科目成名俗猶重如君致身本高第頭白挽強方命

敬業堂詩集卷二十七

六

中可憐進士不得進

李太白詩君為
進士不得進

上積千薪苦沈壅

競傳枳棘爭集猴縱有梧桐偶棲鳳紛紜野馬巧乘隙
狼籍醯雞工覆甕侏儒飽死方朔饑曷不江湖且陶縱

我留輦下大可咲妄覲微名上鄉貢初聞逐客姑逡巡

旋悔為儒被嘲弄吹竽鼓瑟兩難強貫蝨屠龍等無用

布衣有骨天所憐老大寧能逐儕眾惟君知我謂我真

往往清吟托閒諷郊園木林連曲尺荷氣藤陰滿香街

二字出
昌谷集

風光不礙冷澹遊日月正宜瀟灑送君今別我

忽徑去舍矢難追弦就控此邦山水要君詩豈獨飛雲
標畫棟匡廬舊有讀書地我昨留題滿巖洞待君再上

紫霄峰他日遊仙記同夢

姜西溟至都二首

三年一別兩蹉跎短策重聞酒市過白髮舊遊諸老散
青雲同學少年多僦居那得高賢庶支俸聊隨博學科
幸是一羶留故物曾包老硯歷關河姜於滄州被盜故云
獲落生涯久自疑重來咲我亦胡爲曾從祖父承餘澤
只道科名似盛時逐客幸蒙寬後議憐才何敢望新知
不如蚤築畦風閣結伴歸畊未算遲

晚行裂帛湖上觀水勢

西山前夜雨暴漲聲辟易昨日與橋平今朝露水柵晚
來覘盈縮又減三五尺一條修尾蛇東向投遠碧菰蒲
盡僵仆上帶泥土迹我欲追躡之前行汰磐石初疑遇
壯士拔劔斫其脊徑開中已拆首尾猶跳擲却坐石上
觀平心隨所適有如杯底影仰面意旋釋人生駭愕緣
多伺躁妄隙歸來虛室中靜見鼻端白

甕山麓尋耶律丞相墓

裂帛湖東下馬行遙聞樵斧響丁丁盡髡草木非山罪
難向牛羊問墓名石椁千年誰不朽金椎一穴尚如生
我來忽墮無情淚土蝕殘碑恨未平

明末有人發冢見一頭加常人數倍

亟開之後掘得碣石知爲公墓

青龍橋

甕山西北巴溝上指點平橋接碾莊自焚清渠成石塌
盡迴流水入宮墻殘荷落瓣魚鱗活高柳飄絲鷺頂涼

不礙蹇驢行，覽簞有人緩轡正思鄉。

玉田觀早稻

灌園餘潤及平疇，千畝從無旱潦憂。總結已供三壤賦，
陂池新奉上林遊。神絃報榮秋長早，勾盾徵租歲倍收。
別與幽風編月令，築塲時節火西流。
官田早米例於七月初十前貢新

廢功德寺

瓦落空墻土盡崩，雜耕猶剩兩三僧。晨叅栢子留禪偈，

夜看松花照鬼燈。駐蹕亭邊牛叩草，
明宣宗西郊省 釣

魚臺畔鼠攀藤。
寺前舊有元主 賞花釣魚臺 木球斗大今安用，
木球 事見

帝京景物略今 寺中猶供之 自古琳宮有廢興。

呂公洞輪菴禪師蘭若

敬業堂詩集卷十七

八

只道山窮水亦窮，忽攀石磴與雲通。芙蓉殿底三重閣，

楊柳橋南一面風。老去文人多入道，從來絕境必凌空。

知君欲傲長江簿，佛號曾呼禁苑中。
絕頂有飛閣不可 上即金章宗芙蓉

殿故 址

玉泉山

銷夏誰知別有灣，孤雲一角截西山。千家舊業鼃魚國，

十里提封虎豹關。欄楯離離金碧上，歌鐘隱隱翠微間。

清泉自愛江湖去，流出紅墻便不還。
玉泉山舊為金章 宗避暑地故首句 云

云

題相國永城李公所藏崔白健翮麈風圖

墨花一柄風翻荷，一葉展仰正不頗。傍添一葉作歌蓋，

上有健翮如天鵝初飛未高去水咫已覺遠勢無江河
生綃八尺畫止此妙手落墨寧誇多流傳要是北宋物
幸免小印鈐宣和若教藏弃入秘閣靖康那得逃干戈
永城相國鄴侯裔牙籤三萬森駢羅故家世寶此其一
鑒賞精絕知匪訛華堂五月開示客几席瑟瑟生迴波
君不聞濠梁大圖徑三丈天女織絹鳳擲梭江天十里
尚無恙賴有好句傳東坡東坡有題崔白大圖詩見集
中白濠梁人故稱濠梁崔
人間真蹟久難恃閱世容易千年過我詩淺薄不足道
請公自賦鑿風歌

愷功將有塞外之行邀余重宿郊園賦此志別
今年夏多雨所向泥塗妨君家近水園一溪綠泱泱謂

敬業堂詩集卷七

九

宜着冗士澗戶延清光豈惟洗塵埃直欲忘炎涼故人
督我嬾促我赴舉場明知計大謬聊逐槐花忙初秋束
書出臨行意迴遑儼居宣武門人海昏茫茫猶疑清夜
夢流水繞我床昨朝急足來扣門語徬徨聞子有遠適
結束隨龍驤腰懸八札弓行逐楯檜郎可憐非汝好所
用違其長憶子從我遊翩翩富辭章十三見頭角已在
成人行今來猛績學下筆尤老蒼貫穿及韓蘇結撰畢
齊梁居然希作者恥與時頡頏玉之使有成遠到詎易
量重來忍言別戀戀林泉傍爲我掃庭除故榻仍在房
小雨灑籬落雜花間紅黃苦爲一宿留故意不可忘子
才百事能皇路今方將我哀萬念冷逝當返畊桑浮萍

寄波濤聚散原無常參辰渺河漢耿耿遙相望勗哉平生言卒以初願償無為愴離合萬里如一堂

早發良鄉至琉璃河驟背偶成

喚迴殘夢得清晨詩境重開又一新淡到明河猶見月
洗來灰洞已無塵灰洞在良鄉之南牛蹄應鐸行偏緩馬意驚
鞭策要頻慚媿琉璃橋下水髮絲催換十年人

涿州道中書所見

折葦沈沙積潦餘高田成岸岸成渠胡良河上扶犁叟
網得萍根二寸魚

祁陽道中

一村榆柳一村鴉帶井沿籬路向斜野棗風輕時落實

敬業堂詩集卷十七

十

木棉秋晚尚開花青旗賣酒竿竿影紅袖騎驢幅幅紗
迥與近畿風景別田莊從此屬農家入旗莊戶至清苑而止

晉州署中與陳六謙話舊

魯柝聞邾境本連兩邦爭說使君賢晉州與深澤接壤歌傳馴

維民方樂烏化飛鳧吏亦仙却話舊遊如夢裏誰知岐
路判樽前難拋一寸西窻燭中有離居十六年

雨中重渡瀆水

路僻泥深出店遲一鞭照影又清瀆敝裘自領新寒意
歸雁如尋九日期倚樹風聲尤跋扈得烟柳色尚迷離
敢因遇雨嗟行役正是犁荒下麥時

大冉橋聞雁

殘荷老柳蕭蕭意秋在平橋水氣中年去年來一繩雁
帶人歸信是西風時聞北闌榜發
余名在二十

重至京師和德尹看菊詩二首

野景貪從廟市收瓦盆高下蓋新抽風前最愛香盈袖
醉後還須插滿頭老圃別傳移種法故人來作看花遊
遲開自是關天意斟酌芳期在晚秋

一籬黃葉擁村莊嘆惜陶家徑久荒九日已過初泛酒
兩人相對忽思鄉古來佳節多風雨此後清吟耐雪霜
落帽臺邊回白首心情不似少年狂

送卓次厚南歸

多才能自愛失意問誰堪不作憤時語轉深吾輩慙柳

敬業堂詩集卷十七

十一

條攀欲盡梅信到應探鄉思因君觸心隨候雁南

陸澹成侍講新葺書齋名懷鷗舫招同人雅集

分賦

江湖宛在小牕前便欲從君借榻眠夢作白鷗歸未得
鱸鄉亭外水如烟

題畫贈揚州王漢藻

一路垂楊記泊船北湖南埭水浮烟君家舊住茱萸泚

別築灣頭小鞦韆揚州有茱萸灣故云

德尹將南還次韵志別三首

數過初冬又一旬誰知咫尺有參辰到家歲月驚新曆
題壁詩篇記暮春雨雪暗侵搖落候冰霜偏老別離人

獨留真覺無聊賴擬學揚雄賦逐貧

自笑逢時術未精人間無用是虛名家門似我慚為長
才器如君合晚成別館能無三宿戀歸途只要一冬晴
最憐今夜霜天月畫角吹殘布被輕

小榼三升蕢凍醪也應與爾慰牢騷不因富貴思彈鋏
或有英雄辨捉刀風雨慣曾憐弱弟田廬忍便委兒曹
丁寧一語煩相誠畫虎休輕學伯高

大風出西直門至自怡園愷功方擁爐讀史

萬斛沙如萬斛潮捲空殘葉剩枯條到門日影龍蛇活
拔地風聲虎兕驕十里欲迷城北路一鞭重渡苑西橋
圍爐薄雪年時夢留取閒人話寂寥

敬業堂詩集卷十七

七

題王令詒松南柳磯圖三首

自截筠竿八尺餘偶從沙際伴春耨人間果有絲綸手
未必臨淵便羨魚

曾是春衣染汁新一官臨出又逡巡萬條楊柳風情在
猶戀當年手種人

三畝菱租割水田披圖閒惜好山川歸人預作明年計
欲借橋東放鴨船

洞庭秋望圖為同年姜西溟題

我昨扁舟帆去聲湖水出沒鷗群鳧隊裏西風吹偃萬梢

蘆斗柄挿空將北指庚午秋冬間余寓居洞庭東山君時正作柔乾客

南北相望渺千里念君落第招君歸已是明年三月尾

其秋我復遊廬阜走上雲頭振衣履海綿片片盪吾胸
竒絕生平乃有此洞庭直可益盜貯七十二峰同撒米
有如天半立峨眉下視成都居井底君為此圖母已隘
細寫秋毫入側理男兒失路真可憐澤畔行吟聊復爾
今來又赴京兆試失固其常得差喜與君同榜獲聯名
王後雖卑吾敢恥却披橫卷索新句一咲如臯方射雉
才名誤汝四十年決踵何堪比截趾 至尊久已記名
姓虛向蘭臺署良史探支官俸月一囊揮灑傭書日千
紙須長及腹誰攬之髮白滿頭行老矣向來蹭蹬天有
意特與先生慰暮齒眼前同進俱少年感歎無端從此
始翻思舊狎漁樵伴故展烟波洗窻几不然此畫且善

敬業堂詩集卷十七

七

藏勿更題詩乞餘子

座主侍讀徐公將南歸感恩述事六首

公竟飄然賦遂初輕裝如葉稱懸車自編永叔歸田錄
誰上何蕃伏闕書臘雪寒消傳蓋後春颿夢穩挂冠餘
白頭別有千秋業或恐名山勝石渠

特簡初傳出禁林文章曾結 主知深敢云得馬非初
意莫誤飛鵝是好音魚尾經燒憐短鬣桐材入爨辨孤
琴恩牛怨李翻多事只要群公識此心

貫魚立鵠萬人看盡掩雲羅事最難那得高才皆入彀
每聞餘怒必衝冠向來清議寧隨俗從此朱絃恐廢彈
不信滔滔將日下江湖無計墮狂瀾

水底含沙豈有因何當舉國逐浮塵險經負羽沈舟會
勇作抽帆到岸人難挽頽風歸太古獨迴天意入陽春
漁樵一席誰爭得私第歸來尚角巾

虛舟飄瓦閱人情得失心恬氣自平駿骨孰緣千里重
鴻毛公視一官輕同朝盡諒憐才意 聖代能全去國
名惟底青衫添別淚十年門下舊諸生

絕無聊賴住京華年去空歌蘇幕遮枯樹忍攀前度柳
新霜誰護後栽花愁來客况渾如醉身在師恩豈有涯
贏得陸公為舉主儘容開口向人誇

毘陵楊青村謁選得普安令王石谷為作黔遊

圖索余題句兼以贈別

敬業堂詩集卷十七

西

萬尖石筍高刺天日氣挾霧生黃烟盤江中截兩崖斷
高緹一道虹蜺懸尋橦裊裊度空際下有千斛蛟龍涎
普安孤城小於斗險扼地勢當黔滇城頭置堠城下驛
官舍坐見行人肩楊君一官乃落此幸是熟路無迤邐

憶君年當十八九白面便已能談邊趨庭萬里不辭遠

直過瘴嶺隨飛鳶

辛酉夏秋青村省其尊公秋屏憲副於貴西官署余時遊黔始與相識

是時西南屬兵革郡邑疾苦方顛連爾來休養踰十載

瘠土已變桑麻田朝廷况下寬大詔積賦逋稅新除

蠲君今乘傳又重到何異烏化雙鳧仙畊烟散人好事

者遠境寫入秋毫顛山川歷歷都在眼我愛此景非從

前小詩或可當別操待爾譜入琴堂絃

寒夜同王令詒魏水村顧書宣家可亭姪集揚
晚研庶常齋分韻得寫字

官閒門徑僻歲晏人事寡厭俗謝交游往還惟舊雅儼
居適相近踏凍免騎馬巷北召王猷巷南邀魏野顧生
住西弄寓舍喜新假我至每劇歡招呼臂同把北風吹
天晴城上烏啞啞寒光潑初月殘雪猶在瓦此時不作
達可惜白玉笋地菘翠成菹水族鮮製鮓盤餐嬌鄉味
口似薑頤哆隣沽雖稍甜轟飲亦聊且晚研以不得佳釀故其詩有濁
酒甘同晚我生類知分即事有取舍疋如熊掌魚那得
惡人之句兼二者十觴竟連齏塵面為一赭主人負詩才劈紙給
揮灑敢辭押強韻數子賴陶冶吟從夜枕續臥聽街鼓

敬業堂詩集卷十七

五

打所恨不善書當令阿買寫

僕舊有青田凍石一枚歸晚研六年矣頃遇范
子方仲於京師范精於篆刻許為我摹小印而
此間覓佳石不易得意欲晚研反我故物作詩
先之

鑿石雕蟲魚此舉誰作俑後來琢山骨價從大小珙匹
夫懷竒珍惴惴初抱恐連城既入趙負曲敢虛擁和璧
竟歸秦陋邦手徒拱自茲嗜好捐萬事成闕茸殘編任
飽蠹退筆詎銘冢空憑咄咄書硯乏纖纖捧何當餘結
習往往吟肩聳好事偶分牋塗鴉每慚悚丹砂綴小印
紙尾母已冗范子故見嗤剗敝寶非種擲地作石聲從

旁乃憇惠當時巾笥蓄有若蛾化蛹去我今六年居然
戀新寵刻舟勞記劒觸物心猶竦昨日聊叩君機鋒鬪
針孔秘藏戒輕出防我或好勇攫之寧非顛健者豈惟
董輸攻力易竭墨守計仍鞏不如且姑緩靜俟天倪動
奇巧出窮人詩端忽噴涌明朝走尺蹠待命不旋踵盟
渝息壤舊歸視汶田重在我猶在君報章行及奉

晚研見和前篇謂余有新蓄壽山小石援東坡
海石之例欲以此易彼重違其意割愛分贈二
枚再次韻速其踐諾舊石之歸有日矣來翰有
邀令詒水村書宣三子屬和之語兼以示之

假道蓋有由兵端實始俑君如早識此堅壁却吾珙

巡不入境下邑方惶恐奈何昧厥初納賂覬私擁青田
吾重寶掌握失把拱豈無他山攻頑曠棄紛茸壽山快
新得餘子欲奪冢炯然珠玉光入掬似可捧圓者廉角
殺方者風骨聳昨偶出示人旁觀盡驚悚老夫喜省事
羅列稍嫌冗因憶巨璞完吾家有遺種作詩乞故物致
語極憇魚兩日縈我懷有若絲纏蛹君初非豪奪繼乃
絕矜寵故以文滑稽發端特高竦錙銖責施報計竿到
桑孔平生怯小敵今見大敵勇肯為城下盟執筆恥南
董相持兩不決京索成臯鞏飛書奏奇功小利戒輕動
叩關索敝賦彼勢猶洶涌割愛忍須臾禮成門欲踵中
原有好會信義隣邦重後約勿更渝繁敦吾將奉

門神詩戲同實君愷功作四首

賺得兒童仰面看，影纓袷服最無端。
國門他日曾懸價，駟僮何人敢賣官。
丞相魚魚工擁笏，將軍躍躍儼登壇。
星奴結柳翻多事，五鬼爭彈貢禹冠。

揚省氣色任充閤，比較門風孰不如。
幾見華楹留故帖，偶繙新曆當除書。
闔能拒客非關汝，錢可名神儘讓渠。
久閱人情吾勿怪，過時光景合交疎。

虎豹森森列幾行，誰教骯髒倚門旁。
通侯湯沐虛傳漢，

陳平封戶牖侯

進士科名尚冒唐

用鍾馗事

魚鑰同時司啟閉，雀羅

終歲有炎涼，相逢白日多魑魅。
乞與先生却掃方。

炭屨歌裏撥寒灰，歲酒逡巡酌一杯。
凡鳥有人題字去，

敬業堂詩集卷十七

七

冥鴻幾個挂冠回，好官第宅多相望。
野老柴荆肯浪開，直與歸人占吉夢也。
煩呵護不祥來。

敬業堂詩集卷十八

海寧 查慎行 悔餘

白蘋集

起甲戌三月終六月

甲戌二月將出都作詩留別諸同年座主清谿公見而垂和有下第情懷刀劒傷之句蓋用東野詩語也時公亦將南旋買舟通潞命余隨行東野不又云乎棄置勿復道楚情吟白蘋他日舉以似公公曰子庶能自廣矣

下第南歸留別同年姜西溟廖越千劉大山王崑繩李若華諸子二首

敬業堂詩集卷十八

一

一顧人間事不輕敢將汲引望公卿張羅天遠鴻雙去彈鋏心粗劒一鳴誤喜青燈回昔夢枉煩芳草勸初程歸人別有看花約明日騎驢便出城

明知歸計尚茫茫且作無聊別帝鄉下第兒還添客累當歌酒或替人狂膏肓痼疾貧難療須鬢流年老易傷聚鐵豈堪頻鑄錯早收心力事畊桑

虞山錢劬谷屬題采藥圖二首

小年長日正遲遲算是樵柯欲爛時大抵人情多好勝偶逢仙敵亦爭棋

玉柱金庭境久閒頗聞巖谷異人間長鑣誰斲雲根斷片片飛來盡出山

奉陪座主徐公遊一畝園次吳京兆韻

履綦陳迹已多時

乙丑秋先生召同
人於此地雅集

十載重游醉不辭

初綻柳如時態軟未開花為閏年遲
罷官樂事苔邊杖
去國閒情局外棋
又是一番寒食過
錫簫聲裏雨如絲

張灣舟次留別姚君山別峯兄弟

久作京華客今知去住難
老方隨計吏名不上春官
別酒青燈戀離程
白髮揜眼明楊柳岸
稍喜見桅竿

馬坊口大風送劉大山還京次座主韻

明波如鏡瀉天津
忽捲狂飈萬斛塵
酒色難寬臨別恨
楊花只似未歸人
家貧不信貪為客
母在尤應重此身
重過杏園休悵望
等閒狼藉道旁春

天津別姜西溟次韻

敬業堂詩集卷十八

二

同是春風失意時
送君真覺拙言辭
杜陵旅食經年久
熙甫才名一第遲
青鏡從渠增算髮
白身輸客賭殘碁
老來別緒兼師友
那得并刀剪亂絲

晚泊獨流

關城春向盡
小艇下津門
風止橋形直
潮來水氣渾
蒲魚喧晚市
櫻筍憶鄉園
歸路三千外
從人屈指論

滄州阻風謝別峯同年餉酒二首

風程半日滯滄州
客恨除非醉即休
安得春江變春酒
薩摩陂外水如油

青旗夾岸酒家樓
正坐囊空價莫酬
慚媿貧交分一斗
為余親典黑貂裘

大龍灣阻風奉次座主原韻

有聲南來猛如吼白日無光移卯酉荒灣曲岸萬木僵
摧折萌芽比腐朽蛟螭勢奪虎豹窟塵埋居前砂礫後
舟行逆水兼逆風或跋其尾或掣肘天公如醉意未豁
人事徒施力何有先生晏坐百怪恬萬籟無心發于喁
已憑忠信涉波濤更列圖書環左右詩成一咲自投筆
臥拓篷牕見星斗江河日下是知津高浪攤錢輸水手
青春忽忽乍經眼平野茫茫一回首此時看客挂征颿
何異癡狂中風走乘流習坎吾有命底用旁觀別妍醜
熟諳世路忌爭先飽閱人情能耐久蹉跎不負遂初計
神貺先生亦良厚檣烏歛翅旗脚迴頃刻雲衣變蒼狗

敬業堂詩集卷十八

三

鄉程有期行漸近梓飢嘉魚樽貯酒朝南暮北待公歸
肯讓山陰採樵叟千點桃花一葉萍鷗波正漲苕溪口
德州同年李文衆招集見可園二首

東風有約出京華弭櫂相尋到水涯得地百年因種樹
留春一日爲看花

明曰立夏

亭臺縱好須賢主子弟多才必

世家直得此間成茗芋甕頭墨露不須賒

墨露德州名醞也品在盧

酒之上

槐陰小徑轉閒坊猶記田家舊草堂

田紫綸司寇兩津草堂去文衆居半

里余去春同康節過之

歸路重經疑昨夢名園欲別惜韶光濃熏

酒氣茶縈架翠滴苔痕薜荔墻最愛一軒幽絕處紫藤

花罩讀書牀

四月十五夜鄭家口對月以江清月近人分韻
五首

孤舟淹旅程初過平原郡樹色燕帶齊河流衛交汶可
憐一輪月偏與愁人近已經連日風更怕宵來暈一笑
起推篷清光吾有分

余得近字

明月窺我舫我影在船窻我起却望月影落玻瓈江人
影與月影無端各成雙泡幻豈有情妄見生紛麗不如
抱影坐閉目心自降

右和江字

風止波亦息濁流同一清小杓夜分江龍頭注茶鐺須
臾波心月却向杯底生我醉竟吸之謂是方諸精孤光
入懷抱耿耿留空明

右和清字

敬業堂詩集卷十八

四

隣舟悄無聲高臥如避月此時敏舷歌撫景更清越密
疑穿荇藻細可數毛髮微風蕩酒襟涼氣入詩骨紉如
打五鼓蓬鐻猶未沒

右和月字

京城豈無月眯目多飛塵從公作上元忽然涉殘春扁
舟落吾手日與魚鳥親始知天壤間清輝屬閒人行行
莫回顧永結江湖隣

右和人字

重過臨清感舊

傷外舅陸射山先生也

重經淹泊地往事獨心驚客路貧相倚歸舟病不輕百
年隨夢斷孤月傍愁生流盡州門淚潺湲是水聲

初入牖

河縈千里曲岸東一門高不有乘流便誰知上牖勞木

痕深記惹石眼密容篙咲指長年說吾舟聽汝搽

次日連上戴灣土橋二牖晚抵梁鄉和座主韵

一月郵籤算水筒快從入閘奏奇功柳綿渡港船船雪

麥浪翻田岸岸風尚有貽封尋晏子

梁鄉屬堂邑晏子食邑也

不教

隴吏惱韓公河神伎倆全無用鼻息如雷耳正聾

阻牖

健水分支總入漕客程守牖似填壕忽飛瀑布簾垂地

旋滴珍珠酒壓槽鵝鴨淘沙還善沒魚蝦出網竟如逃

人間行止原難料小住差償昨日勞

聊城和座主作

談咲封侯事不難西歸仍作布衣看紛紛眼底皆商賈

敬業堂詩集卷十八

五

只是人情戀此官

南旺分水處

一綫分鼇背千帆掠馬鬣江河方日下南北此居中水

氣空灘雨槐陰古廟風兩朝溝洫志但策轉漕功

即目二首

關吏逢迎埃吏譁飛流一道走京華綱船果熟盆池樹

驛路香馳御苑花長見名材充土貢幾聞中使出天家

荔枝龍眼隨年例笑指炎荒萬里餘

子弟梨園舊賜緋樓船南下疾如飛衣冠氣盡魚龍雜

帷蓋恩深犬馬歸桃葉何心隨短楫楊花多事打春旗

中就別有青衫客聽到琵琶泪暗揮

韓莊閘口望嶧山湖

嶧山鑿石東作隄天勢半落陂湖西湖波吞天入豐沛

日脚插地生虹霓湖西爲沛縣芒碭雲氣忽斑駁倒影摩盪

青玻瓈須臾水光變深黑湟盡萬古蛟龍泥洪濤怒挾

風雨至列岫出沒頭皆低呂梁直下二百里但見漁舸

散亂隨鳧鷖琴高可跨吾徑去誰能臥壓蓬底同鷄栖

新河

別穿地脉轉龍腰新種荒堤柳萬條故道視同甌脫地
小兒爭唱復陂謠陽侯受職工粗就幽鬼啼墳骨已銷
莫道治河無善策主恩存歿冠群僚

出牐後順流揚帆

敬業堂詩集卷十八

六

牛頭灣接猫兒窩小船出牐如擲梭客程已過十六七
歸夢尚隔江淮河鳴鳩催雨麥秋近貰酒配魚蒲節過
黃流正報落槽信更喜枕上無驚波

天妃牐

淮勢今年盛洪河不敢侵濁流三舍避清漲一篙深瞥
眼移蘆汜回頭失柳林生來供作帚容易待成陰

王楚士惠鮓魚二首

南歸一飽願無餘正及江淮五月初值得老饕開咲口
河豚嘗過又鮓魚

辛苦漁榔逐販鮓江城一尾賣千錢朝來下箸還三歎

半月前頭遇貢船四月抄在濟寧鮓魚已入貢矣

雨後過馬寒中山居

君家葫蘆山我家菖蒲港山淺游可展港狹行礙榜塘
南十里餘野色平於掌田塍針水足夾路新苗長兩夫
肩一輿四足比雙槳前行忽坐睡縹渺入無想漸聞竹
樹聲出谷遙清響到門山亦住斗室寬且廣尊卣間圖
書目存不暇賞主人爲指似一一開疑網我老嗜好蠲
因君覺背癢興來乍飛動偶發難自強昏昏燈吐籬灑
灑酒浮盞不辭日過從所願歲豐穰明朝雨決渠濕氣
潤流礫奄觀早稻熟後約赴秋爽

原蠶行

村東村西桑葉綠頭蠶不熟二蠶熟薄於片紙白於脂

敬業堂詩集卷十八

七

五月南風齊上簇縑車聲中湯百沸出釜持將易斗粟
去年苦旱秋不登民命全憑寸絲續我聞周禮有成法
一歲不容種再浴蠶多害馬理或然物類區區別田畜
國家官馬百萬強惜薪監督煩曹郎口外官馬設內務
府郎中歲收馬矢
變價歸
惜薪廠原蠶微利幸無禁勸汝努力須栽桑田夫暑雨
多咨怨不如且喫蠶娘飯

秋鳴集

起甲戌七
月盡十月

蟲之鳴秋候至適然爾而昌黎以爲物不得其平
則鳴余非善鳴者也特假蟲之鳴以自文其詩若
云其志弛以肆則吾豈敢

送王子穎赴龍游教諭任

子弟芙蓉幕先生首荷梓儒風吾土近師道此時難屈
首居貧地安心送老官所欣賢尹在臭味定如蘭時繆虞良以名進士為是邑令故云

朱竹垞表兄屬題小長蘆圖用阮亭先生體賦
五六七言絕句各一首

君住鴛鴦湖儂占鸕鷀浦

一統志云鸕鷀湖在海鹽西南四十里今其名無可考當

即黃道湖去余居十里

同為簑笠翁貫聽菰蒲雨

種魚三畝五畝隈水前溪後溪認得隣莊老樹草堂在
鸕鷀西

白首初辭供奉班一身那不愛投閒江湖老伴多星散
知已無如父子間

敬業堂詩集卷十八

八

德尹閩歸戲調之

盧橘楊梅已過期別來鄉味剩空枝八千嶺路到家日
算是荔枝初熟時

補和大司寇徐公遂園修稷詩限蘭亭二字二
首

別起林園十畝寬築亭何必更名蘭杯流細浪魚鱗活
花補新巢燕羽乾春事無如三月好人情特去一官難
吳中父老矜稀見每到佳期約伴看

獨擅千秋著作庭文躔光透老人星官同白傅歸仍蚤
樂天以刑部尚書致仕史到溫公局未停妙手成圖初見畫高僧

入社亦忘形分明洛下風流在不數詩家曲水亭

清流山瞻支公塔

石路秋花艷沙田早稻香壤墻連廢寺古塏表平岡境
寂蟬聲合松高鶴骨涼永和年號在苔蝕不成行

天池山寂監禪院

荒榛下接瓜芋區微徑漸上多縈紆山果甘垂紫桑椹
僧廚脆瀹紅竹菇山中所產
味最佳三間古殿石將泐一眼碧

泉秋不枯我來登眺試脚力且喜未用青藤扶

過文與也竹塢草廬

坐閱滄桑五十年不知顏狀已蒼然世家文物傳詩畫
相國衣冠傍墓田文肅公未第時讀書丙舍
喪亂後即附葬贈公墓旁亂竹巧遮

行藥徑濁流閒送出山泉丈人有福能高臥一榻秋陰

敬業堂詩集卷十八

九

萬樹蟬

夜至當湖訪李辰山不值

風色晚尤惡扁舟逆浪翻渠添浸稻水雨熟種薑村遠
火欲投岸孤城將掩門到來還躑躅踈磬報黃昏

沈客子舊寓都門所居名獨樹移自撰七言古

詩曹實菴錢玉友湯西厓皆有和章今來索余

補作仍次原韻

沈子清才在塵埃有如菌苔生淤泥又如服鹽駕鼓馬

下有逐電追風蹄青衿蚤爲命所制百甕未了酸寒齏

三年四門作都講啄粒亦到官倉稊人中嵇紹本易識

孤鶴氣壓千群雞家家朱門當大道爾獨隘巷尋卑棲

歸來欠伸着礙戶一咲入戶頭仍低空庭得樹翻自喜
有滄仰視雲萋萋忽驚霜禿九秋幹旋見雨長三春萋
隨巢晨拾赤脚婢落葉夜掃長須奚問君此間亦何樂
乃挈穉子携山妻狂來對客發高論塵柄手捉談天犀
北郭槁枝聊隱寓東方寔藪真滑稽孤松祇宜伴彭澤
五楸大可娛昌黎翻身買權竟南下野性終近深山麝
故園喬木正合抱町疇旁接澆花畦昨非今是恍夢覺
涉脚尚淺幸未迷伐檀河干等無用美哉河水清漣兮
塘西訪張介山病

十年小別隔江淮重叩溪南煮藥齋賢可活人偏善病
闌非拒客况吾儕名場交作吹蓬冷老境詩同噉蔗佳

敬業堂詩集卷一八

十

一髮弁山青到眼吳興游屐與誰偕

初意欲約介山同遊湖州故云

哭同年王載安

判袂京華半載餘扁舟歸造故人廬不圖別後遊難續
只道秋來病已除五畝未曾營世業一名無復上公車
讀書已悔生涯誤還望孤兒讀父書

張權六招同許舜功王載南兩學博及兒建泛
碧浪湖徧遊近山諸寺觀次東坡汎舟城南會
者五人韻四首

葑田秋漲碧鱗鱗依舊清風起白蘋且喜此遊客我輩

不知當日定何人

五人者自蘇而外皆不著姓名鱸魚入饌羹尤美鷗

鳥迎船意亦馴載取烏巾名釀去黃甘寧數洞庭春

木樨香透老僧齋，爽氣宜人樹樹皆。詩興賴君多撥觸，秋光爲我洗塵霾。峽山客到茶如雪，箬水船移酒似淮。已辦芒屨斑竹杖，丹梯隨意轉雲階。

道峯負石還，兼土遠岫當窻晴。可數花到秋，林不喜紅。竹生幽磎何妨苦，平鋪稻壘翠千頃。高引炭烟青一縷，斜陽緩緩送遊人出谷。猶聞上方鼓。

佳處溪山意未厭，塔鈴一角響風簷。烟波野渡初迴棹，燈火河房半捲簾。愛客不嫌官獨冷，過時誰道日長炎。敢誇豪氣除難盡，痼疾聊從好友砭。

雨中奉陪座主徐公及韓丈子蘧放舟夾山漾
欲遊樓賢不果歸登峴山作四首

敬業堂詩集卷十八

十一

過盡迴谿十里長，孤城回首漸微茫。風鯉曉氣魚蝦斷，水減秋痕鴈鶩鄉。菱蔓欲牽絲已脆，荷花雖敗葉猶香。船頭忽指前遊處，白塔紅亭認道場。夾山漾在道場山之陰

野色天光入望奇，融成一片綠琉璃。展開手卷王濛畫，收拾才情杜牧詩。畢竟清遊宜寂寞，尤難好景是迷離。桃花莫被漁翁誤，秋在斜風細雨時。

選勝初期汗漫遊，樓賢不到恨空留。橋低忽礙尋山路，興盡非關冒雨舟。瓦竈分泉烹紫笋，印泥開甕試清芻。買田合向吳興住，蟹舍魚莊一網收。

亂石多成劈斧皴，窪樽亭外勢嶙峋。一州文物傳孤碣，逸老堂明世廟朝。鄉先生劉南坦顧箬溪劍碑尚存前輩風流剩，兩人屏擁弁山。

高簇簇簾鋪雪水細鱗鱗名園長泊鷗波畔座主新買一舟名秋園細數陪遊第幾巡

中秋鳳晨堂燕集

笑興我初到風景值清美縱為冷澹遊亦戀佳山水矧
迺多良朋盍簪履錯趾十日九放舟波光嵐影裏夜歸
漏必下旦輒扣門起如此以為常行期難準擬中秋節
漸近未到先屈指朝登鳳晨堂少長各就齒森然敬愛
客未覺肴核侈是夕雨忽晴天容出新洗華鐙挾朗月
潏灑落杯底倒影射空堂濛濛烟霧紫談諧雜絲竹觴
政不暇理我醉問主人雅集歲凡幾答言良會難雲散
波旋委自從庚申後十四五年矣庚申春吾邑陳
寄齋來作社集同學
近無多含情俟知己此邦富人文繁敦執牛耳耆英洛
下社子弟高陽里往往前輩交久要或在此平生好求
友出門失桑梓落魄宵見收同心庶堪倚溪山勿吾咲
來往自今始

敬業堂詩集卷十八

三

鄭春薦唐殿宣諸子招集湖舫二首

萬株老柳陰猶綠四面青山影欲沈此段秋光真冷落
孤山不泊泊湖心

誰遣秋娘來喚渡忽攜風雨到尊前老夫借得纏頭費
無數跳珠盡入船

明日再飲春薦宅座有僕姬吳人也姿性明惠
臨別口占四首

故人道我風情在別選紅粧勸酒卮不料窮歸無好句
累他羅帕乞題詞

絳蠟花開照御頭眼波入鬢却橫流問渠肯顧含何意
一笑千金異日酬

落拓生涯大可憐江湖人老杜樊川倦游雙鬢無多白
白盡紅燈綠酒前

風雨催人向婺州輕裝半月算歸舟富春江外無潮信
鴉舅霜紅在晚秋

時余將往金華

雨發江干

晶晶江光去昏昏海氣連雲沈離岸樹風漲落潮天熟
路便孤客輕裝稱小船十年遊跡在重檢舊詩篇

富春舟中先寄桐廬學博吳鹿砦

三

富春舟中先寄桐廬學博吳鹿砦

朝發定山村暮投富春渚清江帶小郭檣影稀可數已
飽挂帆風猶聞滴篷雨山環水疑盡水轉山復吐本為
寂寞遊未覺應接苦桐谿喜漸近中路有賢主

劉南村署齋同鹿砦夜飲二首

浙西山水縣最好是桐廬地僻本無事君才長有餘秋
林聞割漆晚岸見罾魚許我來相就嚴陵好卜居
故人多薄宦解后見交情燭院三更話風江半日程山
肴蒸栗熟法醞帶泉清醉裏騎官馬星光照出城

舟次桐廬聞唐實君補授儀曹喜而有寄

謁選初聞欲赴秦

唐已選朝邑令奉旨特留

改官特荷

主恩新

起家科第原難料得路文章洵有神東閣游揚因客重
南宮期望感君真欲知喜動江湖色忘却身為失意人
巖灘早發

統如鼓打巖頭戍催起栖鴉天未曙飛星過水如有聲
苦霧迷津忽無路長年眼昏心手熟已報前灘暗中渡
遠氣隴隴日射穿秋光紅上巖陵樹

由蘭溪縣坐茭白舩晚至金華

疎林野岸開平遠漠漠江天秋向晚陸龜蒙鴨戴蒿牛
一帶村家供畫本赤松門外問長年拍似金華小洞天
偶然走入羊群裏去作人間狡獪仙我與初平稱莫逆
重來已是千年別可惜巖頭乏主人亂山依舊堆頑石

敬業堂詩集卷十八

古

登寶婺樓

斗杓倒插勢凌虛高出城端五丈餘一雁下投天盡處
萬山浮動雨來初別開戶牖通呼吸旁引風雲入卷舒
八咏門荒詩境改讓他仙子占樓居

金華趙鹿友明府招同家春谷兄賞菊

四先生里古金華循吏如君自一家早稻喜嘗豐歲酒
秋庭閒放午時衙官同彭澤宜栽菊客到河陽許看花
猶勝寒糴貧博士朝朝巖洞訪烟霞

春谷兄時爲府學教授故戲云然

歸舟雜咏六首

湯溪蘭葢及秋香覓本猶煩遠寄將多謝故人先損惠
兩頭載酒作重陽

教授兄許覓秋蘭見寄舟過蘭溪陳進士紫馭以名酒相餉故並及之

南遊何事太匆匆及取歸帆半月中轉盡清溪三百曲
萬株烏柏一霜紅

恨不清江處處灘一聲鳴櫓下奔湍來船莫妬歸程速
我亦曾經上水難

昨到金華洞口還明朝又看浙西山風前自覺衣衫重
穿過千重濕翠間

青山漸遠漸模糊散入雲烟澹欲無畫手稀逢王子久
詩家別寫富春圖

滾滾秋濤浩浩風烟茫茫處雨濛濛不知誰割東西界
半幅江山展越中

初換烏篷船

敬業堂詩集卷十八

五

濤江日夜攪秋天聽雨聽風那得眠莫怪朝來貪晏起
烏篷夢穩越人船

山陰道上

道德經翻晉永和書家好事例傳訛至今似帶羲之癖
風俗村村愛養鵝

重陽前一日至越州自太守以下地主無一人

在郡者即日返棹作此解嘲

夢寐平生慕越州偶然訪舊作東遊半醒半醉他鄉酒
黃葉黃花古郡秋九日溪山無地主一天風雨在歸舟
此身到處初乘興興盡誰能更強留

晚至西興

魚菱論斗米論斤蟹膏擘膾驚割裙豐年亦覺旅食好
一飽媿與居民分詩人好游無定處乘流則行得坎住
吳山滿眼待登高暮雨西興挂帆去

贈紹興太守王憲尹

千巖萬壑浙江東典郡聲華迥不同七十葉傳王內史
二千石視漢三公誇人詩句蓬萊上寓意文章山水中
誰似先生觴咏地蘭亭原是舊家風

閱邸報知揆愷功改官翰林侍講喜寄二首

邸報傳來遇絕竒才名一日動丹墀不矜官爵由門蔭
獨愛文章結主知跛驚敢爭騏驥路拙鳩休奪鳳皇
池未妨小變平生格從此須工應制詩

敬業堂詩集卷十八

十六

知子無如我最真性情長與一編親有才畢竟難埋沒
此事曾經共苦辛草閣孤燈回白首荷塘昨夢隔紅塵

記去年
銷夏事
北行東江已補官
禮部故並及之

沈吟為感傳書意可少當時唱和人

時愷功屢
馳札促余

